



Шочмо эл, порылык да чын верч!

Б У Д Ъ Г О Т О В /

18-ше (3769) №,
2026 ий 8 май,
кугарня



0+

Ямде лий

1933 ий 1 февраль годсек лектеш.

Поро лұмыштым шарнена



📷 *Ольга Сидорова, Полина Буркова, Юлия Волкова, Вероника Петрова.*

9 Май – тыныс илышын моткоч шерге улмыжым ушештарыше пайрем. Фронтышто пытаргыш вур чұчалгыш марте кредалше, тылыште йўдшө-кечыже пашам ыштыше калыкын курымашлык подвигшым ты кечын шарнена. Сенгымаш кечын куан ден ойго иктөр ошкылыт.

Сар кажне ешыш ойгым конден манам гын, йоңылыш ом лий, шонем. Кажне ешын шке талешкыже, жаплыме родо-тукымжо уло. Кугезына-влакым шарнен, ме нунын «ўмырыштым» шуена, патыр улмыштан тауштен, вуйым савена.

Поро лұмыштым аралаш да шарнаш – мемнан ик эн тўн пашана. Ты шонымаш дене Марий тўвыра рўдер «Ший талешке» шымлымаш конференцийым ий еда эртара. Тений тудо 28 апрельыште Йошкар-Олаште «Герои Отечества» тоштер-патриот рўдерыште лийын.

Конференций Марий талешке кечылан да Россий калык-влакын икоян улмо идалыкклан пөклалтын да кум танас почеш эртаралтын. Самырык шымлызе-влак тўрлө пашам ямдыленит. 2-шо номеран Морко школышто тунемше Вероника Петрова кугезе кочаж нерген каласкален.

– Пётр Петрович – Морко район Эгермучаш ялын шочшыжо. Кугу Ачамланде сар жапыште Ленинград фронтышто кредалын. Тўрлө медаль да орден дене палемдалтын. Ятыр гана сусырген гынат, шочмо ялышкыже пўртылын. Кызыт кугезе кочам пеленна уке, Эгермучаш ялжат пытен. Но шарнымаш мый денем пырля ила, тудын лўмжым Шочмо элым йўратымашын символжо семын аралем, – ойла ўдыр.

Катя СЕРГЕЕВАН фотожо.

Умбажыже – 3-шо лаптыкыште.

ПОДПИСКЕ

Пагалыме ача-ава, коча-кова, туныктышо, йоча-влак! 2026 ийын кокымшо пелийжылан «Ямде лий» газетлан подпискым ышташ вашкыза. Индекс – П4696. Ак: 517 тентеат 86 ыр. Тыгак редакций гоч газетлан возалташ лиеш: ак – 200 тентге.

Реклама

Туныктышылан – чап!

22-24 апрельште Марий Эл Республикыште «Молодёжь и дети» нацпроект почеш эрта-рыме «Идалыкын туныктышы-жо-2026» да «Марий йылмым эн сайын туныктышо-2026» педагогике мастарлык конкурсла ятыр педагогым иквереш чумыренит. Иктешлымаш 28 апрельште М.Шектан лүмеш Марий кугыжаныш драме театрыште лийын. Пайремыш Марий Эл Республикысе Правительстве Вуйлатышын алмаштышыже – тўвыра, печать да калык-влакын пашашт шотышто министр К.А.Иванов, Марий Эл Республикысе Кугыжаныш Погын Председательын икымше алмаштышыже Л.Н.Яковлева да молат ушненыт.

– «Идалыкын туныктышы-жо-2026» конкурсышто тўрлө предметым вўдышö 16 педагог тапасен, 6 ен марий йылмым эн сайын туныктымаште мастарлыкшым ончыктен. Кажныже сомылжым ойыртемаштын шукта, йоча дене вашкылым ышташ тўрлө йöным кучылтеш. Ты тагасымашке ушнышо-влак, икте-вессым ончен, шинчымашыштым пойдаренит, иже наша опытышт



«Идалыкын туныктышы-жо-2026» лўмым Йошкар-Оласе 15-ше номеран школышто историйым туныктышо Анна Альбертовна Жгулёва сулен налын.

Советский район Солнечный школышто тўналтыш класслам туныктышо Ирина Борисовна Сидорова «Марий йылмым эн сайын туныктышо-2026» лўм дене палемдалтын.

дене палдаренит, – палемден Константин Анатольевич.

Сенгыше-влак (снимкылаште) все-российский конкурслаште республикын чапшым аралаш тўналыт.

Оля МАЙКОВА.
Авторын фотожо-влак.

Российысе увер

«От Камчатки до Калининграда» патриот муро конкурсыш 14 ияш деч кугурак-влак ушнен кертыт. Йодмашым 15 май марте колтыман. Тўрыс увер – bfaschitnik64.ru сайтыште.

«Культура для школьников» проект радамыште «Летопись сердец» патриот шўлышан акций 27 май марте эртаралтеш. Мурымаште да куштымаште мастарлыкым ончыктыман. 100 ойыртемаштыш видеом 30 июньышто «Культурадляшкольников.РФ» порталышке верандат.

«О!» телеканал «Читаем Пушкина» конкурсым увертарен. Видеом ямдылыман. Тушко 3-10 ияш йоча шкет але еш дене ушнышаш. Пашам 1 июнь марте вучат.

Марий Элысе увер

«Марий Эл – территория заботы и заботливых людей» поро кумылым ончыктымо проект «Движение Первых» толкынын участникше-влаклан пöлеклалтын. Тушко ушнаш манын, наставник будьдвдвижения.рф сайтышке йодмашым колтышаш.

Дж.К.Максвелла лўмеш физике дене олимпиадыште Йошкар-Оласе 11-ше номеран лицейыште 8-ше классыште тунемше Кирилл Рыжков 24 сенгыше радамыш лектын. Тагасымашке пўтынь Россий гыч 550 тунемше ушнен.

Марий талешке-влак нерген кумданрак пален налнеда? «Сказочная дорога: по следам марийских богатырей» интерактив книгам шергал лекса. Тудым Республикысе йоча да самырык-влаклан В.Колумб лўмеш книгагудын сайтыштыже муын кертыда.



Лўмгече пайрем

Шукерте огыл Марий Турек посёлкышто «Рябиноушка» ансамблын лўмгече концертше эртаралтын. Ансамблын йоча спутникше уло (снимкыште). Тушко мый визымше ий коштам. Ме, 1-9-ше класслаште тунемше-шамыч, тўшкан руш муро-влакым гына мурена. Шкет мурышо-шамычат улыт. Марлат, татарлат мурым йонгалтарен кертына. Ансамблыш

коштмо дене сценыште шкем чолган кучаш, чын мураш тунемына, йўкна виянеш. Лўмгече концертыште репертуарыштем улшо муро-влакым йонгалтараш кугу куан ыле. Районлаште тыгай коллектив, уста вуйлатыше-шамыч лийыт гын, молан шкем вияндаш огыл?!

Полина ЦЕГОЛЕВА.
Марий Турек.

Фотом ансамблын архивше гыч налме.



Пенгыде вашкыл

Морко район Коркатово лицейште тунемше-влак «Ямде лий» газет дене шукертсек пенгыде кылым кучат. Школ илышышт дене палдарен, серыш-лам возат, түрлө теме почеш заметкылам серат, сүретым келыштарат, конкурслашке ушнат. Нунын пашаштым йоча газет редакций ятыр гана күкшын аклен: юнкор кружокышт (вуйлатыше – В.Е.Смирнов) Валентин Исенков лүмеш премий дене палемдалтын. Икмыняр икшыве Зинаида Яковлева лүмеш премийын лауреатше лийын.

Кызытат ўдыр-рвезе-влакын пашашт-шамыч газет лаштык-лам пойдаращ полшат. Тиде веле огыл: нуно «Ямде лий» газет-лан подпискым кажне ийын рўж

ыштат. 2026 ийын икымше пелыйшытже 40 экземпляр газетым арня еда налыт (снимкыште). Ончыкыжымат лудаш кумылан улыт. «Кумытлан түлет – визытым налат» акций нерген пален налмеке, вигак йоча газет-лан возалташ келшенит. Тўналтыш класслам туныктышо Светлана Геннадьевна Филиппова ден кугужаныш марий йылмым туныктышо Вячеслав Емельянович Смирнов ты акцияшыке 1-4-ше класслаште тунемше-влакым ушенит. Тау тыланда! Умбакыжымат пенгыде вашкыл-лан ўшанена да йоча газет кажне икшывын эн вучымо савыктышыже лиеш манын шонена.

*Людмила ГРИГОРЬЕВА.
Фотом лицейын архивше гыч налме.*

Поро лүмыштым шарнена

*Тўналтышыже –
1-ше лаштыкыште.*

Кугу Ачамланде сар жапыште ўдырамаш-влакат тыныс илышым лишемдыме верч чот кредалыныт. «Саскавий» марий ўдырамаш ушемын темлыме «Марий ўдырамаш – Кугу сарын тулыштыжо» тагасыште паша-шамыч аклалтыныт. Тунемше-влак чолга ен-шамычын лўддымў койышышт дене палдареныт.

– Кугу Ачамланде сар жапыште Параньга район гыч 110 ўдырамаш фронтыш каен. Пумарий кундем гыч – кудыт. Кажныже шкенжым Шочмо элын чын ўдыржў семын ончыктен, – палемден Кугу Пумарий школышто тунемше Юлия Волкова.

Талешке-влак тыныс илышыштат вашлиялтыт. Морко район Унчо школышто тунемше Ольга Сидорова кочаж нерген каласкален: «Кочам «Передовик» колхозышто нылле ныл ий шофёрлан пашам ыштен, калык пагалымашым сулен. Тудым мый талешкылан шотлем».

Конференцийым иктешлыме почеш «Талешке мемнан коклаште» тагасыште шке ийготан-влак коклаште Полина Буркова (Марий Турек, Арбор) ден Ольга Сидорова ойыртемалтыныт. Вероника Петрова «Элым аралыше-влак. Мыйын ешемын историйже» тагасыште икымше верымын налын. «Марий ўдырамаш – Кугу сарын тулыштыжо» тагасын сенгышыже – Юлия Волкова.

Катя СЕРГЕЕВА.

Кораксолан талешкыже



Кажне ялын шке талешкыже уло. Ме, Морко районысо Кораксола ялыште илыше-влак, калык писатель Никандр Лекайным талешкылан шотлена. Тудо калык писатель чаплўмым икымше сулен налын. Клуб ончылно Никандр Лекайнлан чапкўм шогалтыме. Ме кажне ийын, 26 апрельшыте, чапкўжў ончыко погынена (снимкыште). Талешкынам шарналтена, илыш корныжым, творчествовым ушештарена. Надежда Сергеева шке возымо «Лекайн лўмеш» почеламутшым лудеш. Шке гыч ыштыме пеледышым пыштена. Тыгай поро пашалан мемнам марий йылмым да литературым туныктышо, Кораксола тўвыра пўртым вуйлатыше Елена Валериановна Григорьева кумыланда. Тыге ме шочмо мландынам йўраташ, талешкына-влак дене кугешнаш тунемына.

*6-шо классыште тунемше-влак.
Морко, Шўргыял.
Фотом-влакым школ архив гыч налме.*



Медведево район Руэм школышто тунемше-влак Ирина Егорова ден Артур Смирнов Сенгы-маш монументым ямдыленыт.

Лариса ПАВЛОВАН фотожо.

9 Май – Сенымаш кече!



Шучко жапым шарныктыше вер

Йошкар-Оласе Бауман лицейште 10-шо класслаште тунемше-влак (снимкыште) Беларусь Республикыш экскурсий дене миенна. Тиде эл Кугу Ачамланде сарын эртыме корныжым поснак чот жапла.

Путешествий Беларуссын рүд-олаж гыч тўналын. Минскиште ме «Остров мужества и скорби» мемориал комплексыште лийына. Вара корнына Хатынныш шуйнен. Тиде верым ласкан ончаш оклий: шинчавүд шке йога, логарыш комыла күза. Мыняр ойгым шучко сар конден! 1943 ий 22 мартыште карательный отряд ялым йыр авырен. Удырамаш, йоча, шонгыен-влакым левашыш петыреныт да йўлатеныт. Кызыт ял

олмышто чаган 27 бетон ментгешога. Чаг йўк, сарын шучкылыкшым шарныктен, кажне 27 секунд гыч йонга. Колышо эргыжым кидышкыже налше ачан фигурыжым Хатынь покшеке шогалтыме. Тиде Иосиф Каменскийым ушештара. Тудо да икмыняр йоча илыше кодыныт...

Экскурсий Брестыште мучашлалтын. Брест орышто лийына (снимкыште). «Я умираю, но не сдаюсь. Прощай, Родина. 20.VII.41» – палдыме салтакын тыге серен кодымыжым лудмеке умылет: кугезе коча-кована-влак пытартыш шўлыш марте тыныс илышым араленыт. Самырык тукум канде кава йымалне илыже манын, шкеныштым чама-



нен огытыл. Шарнена тендам, аралышына-влак! Кугешнена! Жаплена!

*Юлиана КУРОЧКИНА,
Йошкар-Ола, Бауман лицей.
Авторын фотожо-влак.*



*Илья СУДАКОВЫН сўретше.
Медведево, 6-шо номеран йочасад.*

Тауштем

Сенымаш кечым ме 81-ше гана пайремлаш тўналына. Кугу Ачамланде сарыш мыйынат кугезе кок кочам каен. Иктыже – Ердўр ял гыч, весыже – Кўчыкэнгер гыч. Эчук кочамже сар тўналме годым Йошкар Армиыште лийын. Сарын неле корныжым эртен. Ятыр медаль дене палемдалтын. Эн шергыже «За отвагу» медаль. Кугу Ачамланде сар нерген каласкалаш йўратен огыл.

Тудо поро койышан, ушан айдеме лийын. Лудаш моткок йўратен. Шуко книгам кевытыште налын. Мутлан, ялзанылык нерген энциклопедий тачат аралалтеш. Мўкшым ончен да сад-пакчаште тўрлў опытым эртарен.

Кочам-влаклан да моло ветеран-шамычлан эрыкан илышым арален кодымыштлан кугу таум каласем.

*Ксения Егорова,
Морко район.*



Пайрем дене!



Саки Ковай

Кочамын акаже – Саки Минилбаевна Ибатова (снимкыште). Тудо 1924 ий 25 мартыште Мандык ялеш шочын. Кугу Ача-

мланде сар тўналмеке, 17 ияш лийын, верысе колхозышто шорыкым, имньым кўтен, йўд орол сомылымат шуктен, комбайн дене кудалыштын. 1963 ий гыч Мандык фермыште сўснам ончен. Пашам сайын ыштымыжлан, эре ончылно лиймыжлан 1971 ийыште «Знак Почёта» орден дене палемдалтын. Тыгак «За доблестный труд. В ознаменование 100-летия со дня рождения В.И.Ленина», «Ветеран труда», «Сорок лет Победы в Великой Отечественной войне 1941-1945 годов» медаль-влакын озаже улеш.

*Давид ИБАТОВ.
Татарстан, Агрыз, Буймо.
Фотом еш архив гыч налме.*

Кугешнем, кочай!

Захар Николаевич Николаев – мыйын кугезе кочам. Тудо Чодырасолаште 1903 ийыште шочын. Колхозышто бригадирлан пашам ыштен. Кугу сар тўналмеке, тушман ваштареш кредалаш каен. Сарыште разведчик лийын. Ик

тале кредалмаште колен. Тудым Винницкий область Пузырки ял воктене тоеныт. Кугезе кочам миллион салтак семынак сенгымашым лишемдаш полшен. Мый туддене кугешнем.

София МИХАЙЛОВА.



Мыйынат кугезе кочам тушман ваштареш кредалын. Тудо латкандаш ийым веле темен улмаш. Артиллерист лийын. Сенгымашым Кенигсбергыште вашлийын. Ятыр награде дене палемдалтын.

Сарын нелыжым чыташ мо тудлан полшен? Мый гын тыге

шонем: кугезе кочам ешыште эн кугу икшыве лийын. Шуко йўштў-шокшым чыташыже логалын. Изинек шкенжым шуарен. Кочам – мыланем пример.

*Дарья ПЕТРОВА.
Морка, Коркатово.*



Патыр лётчик

Урокышто уста режиссёр Александр Столперын «Повесть о настоящем человеке» киножым онченна. Тудо кызытсе гай тўрлў тўсан огыл, ошо-шеме – ожнысым ушештара. Тўн герой – Алексей Мересьев. Лётчик Кугу Ачамланде сарын тулжо гоч эртен. «Шучко фашист кидыш ок кўл логалаш», – ойлен тудо. Сўйыштў йолжо сусырген. Ончык ошкылын, вара кужытым шотлен-шотлен нушкын. Ёнарже пытен, шужен гынат, латкандаш кече

тыге каен. Партизан-шамычым вашлиймеке, госпитальыш логалын. Тушто йолвундашыжым йомдарен. Но патыр лётчикын кумылжо волен огыл. Полковой комиссар Семён Воробьёвын ик историйым каласкалымекыже, протез дене кошташ веле огыл, эсогыл куржталаш да кушташ тунемын. Тыге тўн герой угыч авиацийыш пўртылын. Могай пенгыде кўргў виан тудо лийын!

*7-ше классыште тунемше-влак.
Волжский, Сотнур.*



9 Май – Сенгымаш кече!
Вучена ме тидым чылан.
Тек лиеш каваже канде,
Йошкар шўдыр волгалт

курумлан!

*София СОРВАЧЕВА.
Йошкар-Ола, 80-ше номеран йочасад.
Снимкыште: София Сорвачева.
Фотом еш архив гыч налме.*

Цифр ден факт

★ Кугу Ачамланде сар годым Совет Ушем Герой лўм дене 11657 ен палемдалтын. Тышеч 3051 енлан колымекыже пуымо.

★ 107 ен кок гана ты чаплўмым налын, маршал Семён Будённый, подполковник Александр Покрышкин да маршал Иван Кожедуб – кум гана. Маршал Георгий Жуков ныл гана Совет Ушем Герой лийын.

★ Совет Ушем Герой лўм дене 95 ўдырамаш суапландаралтын.

★ Совет Ушем Герой-влак коклаште – ныл йоча: Лёня Голиков, Марат Казей, Валя Котик, Зина Портнова.

★ Марий АССР гыч 54 ен Совет Ушем Геройжо лийын, тышеч 15 енге – марий.



*Надежда ПЕТРОВАН сўретше.
Морка, Коркатово.*



Школ тоштер-влак туныктымо төнежын мер илышыштыже рӯдö верым айлат. Тушто унам вашлийыт, пайремым пайремлат, экскурсийым эртарат. Советский район Ронго кыдалаш школ пеленысе краеведческий тоштерынат пашаже тўвыргö лектышан, историйже поян.

Историй гыч

Ронго кундем нерген этнографий да краеведений материалым поген, 1967 ий 10 ноябрьште тоштерым почыныт. Ты паша школын 130 ияш лўмгечыж вашеш ышталтын. Жап эртыме семын оралте тоштемьн, экспонат-влакым аралаш йордымö лийын. Музейым петыренит гынат, туныктышо ден тунемше-влак кундемыштым шымлым чарнен огытыл. Тоштерым угыч почаш маньн, 2010 ийыште проектм возенит. 2012 ий 21 декабрьште шоньмашышт шукталтын. Школын 175 ияш лўмгечыжлан тиде пеш шергакан пöлек лийын.

Кажне арвер шергакан

Тоштерын фондшо моткоч поян. 500 утла экспонат аралалтеш: коча-кова-влакын кажне кечын



Тоштерыште.

кучылтмо тошто арверышт, калык вургем ден сöрастарыш, Кугу Ачамланде сарыште кредалше талешке-влакын документышт, серышышт да фотографийышт... Районын да кундемын эртыме корныжо да тачысе кечыж дене палдарыше уверат лын. 2015 ийыште Марий АССР-ын калык писательже, Ронго школын выпускникше Аркадий Степанович Крупняковын илышыжым да усталыкышым почын пуышо «Рабочий кабинет писателя» лукым чумыренит. Марий йылме ден литературым туныктышо Лидия Петровна Петровалан тыгаяк пöлемым 2024 ийыште пöлекленит. 2023 ий 1 сентябрьште специальный сарзе операцийште вуйым пыштыше выпускник-влак лўмеш «Отчизны славные сыны» залым почыныт. Тушто кум талешкылан парт уло.

Илыш «шолеш»

Наталья Владимировна Шабалинан (снимкыште) вуйлатымыж почеш школ тоштерыште илыш «шолеш». Шукерте огыл «Школьный музей как пространство для

гражданско-патриотического воспитания» район кўкшытан семинарым эртаренит.

– Семинарыш ушнышо-влакым «Пир на весь мир» гастрономий

программе дене вашлийынна. Российыште илыше калык-влакын кочкышыштым тамлен ончаш темленна. Экскурсий, ончер, ятыр мастер-класс дене куандаренна.

Йочам патриот шўлышеш шуарен куштымаште, элан эртыкыше нерген палымым да тўвыра поянлыкым арален кодымаште, кундемнан тачысе кечыжым шымлымаште школ тоштерын надырже кугу. Вашлиймаште тыгай иктешлымашке шуынна, – оила директорын воспитаний паша шотышто советникше Э.Х.Смирнова.

Оля МАЙКОВА.
Фото-влакым школ архив гыч налме.

Сценыште – «Росток»



«Росток» ансамбльыш коштшо куд ияш йоча-влак (снимкыште) Звенигово район Кужмарий тўвыра пöртыштö мастарлыкышт дене ача-аваштым, коча-коваштым куандарышт. Сценыште изи артист-влак шкеншытым чаткан кучышт. А костюмышт могай мотор! Кажне куштымашлан келшен толшо. Ансамбль вуйлатыше Алевтина Николаевна Егорова мыняр вий-куатым пыштен! Чыла сенен, йоча-шамычым сценыш луктын. Тауштена да ончыкыжымат тендам сценыште вучена.

Татьяна НИКОЛАЕВА.
Звенигово, Аркамбал.
Авторын фотожо.

Вучымо кече

Сенгымаш кече – кажне енын вучымо пайремже, шонем. Коча-кованан тыныслык верч кредалмыштым нигунам огына мондо. Йочасадыш коштшо икшыве-влакым историйыште лийше тиде кугу событий ден палдарена. Шарныктыш воктек пеледышым пыштена, салтак-шамычын подвигышт нерген каласкалена.

Теве Полина Гритчина (снимкыште) ден аваже Анна Николаевна ты кечым изин-кугун вучат. Ёдырлан аваже мотор тувырым налын пуэн. Анна Николаевна тиде ганат моткоч шуко суретым суретлен. Ачава-влак икшывышт патриотизм шўлышеш кушкышт манын тыршат.



Надежда ГОДУНОВА.
Йошкар-Ола,
80-ше номеран йочасад.
Фотом еш архив гыч налме.

Кугезе ковам

Кугезе ковам Анастасия Никифоровна Бурмистрова, Кугу Ачамланде сар тўналмеке, 13 ияш лийын. Ешыште – эн кугу йоча. Ачаже Шочмо элым аралаш каен. Кугезе ковамлан шуко неле-йосым чыташыже логалын. Пасушто эр ўжара гыч тўналын кас марте пашам быштен. Чоды-

рам руымашке коштын. Чатлама йўштымат, чот шокшымат ончен огытыл – чылажат сенгымашым лишемдыме верч ышталтын. Моткоч неле лийын гынат, чытен. Сенгымаш кече эн йоратыме пайремже лийын.

Виктория СВИСТУНОВА.
Морко, Коркатово.



1-ше номеран Морко йочасадыш коштшо Кирилл Кугергин (снимкыште) военный вургемым чияш моткоч йората. Тыге почеламутым сылнын лудмо конкурслаште усталыкшым ончыкта. Тагасымашлан Кириллым аваже да воспитательже Инна Валерияновна Алексеева ямдылат. Шукыж годым паша лектышышт куандарыше: рвезе сенгыше-влак радамыш лектеш.

Инна АЛЕКСЕЕВАН фотожо.

Историйым шергалына

1944 ий 12 май – Крымм фашист тўшка деч пўтынек утарыме кече. Тыге Крымский наступательный операций мучашлалтын.

• *Мастар кид* •

Сенгымаш серыш

9 Май пайрем кечын коча-ковадан мотор открытке дене куандарыза. Тўрлў тўсан картон ден кагазым, клейым, вашкўзым ямдылыза. QR-кодым ончен, фотосо гай открыткым ыштыза.



Шкетан театр пўртўс лонгаште

май	9 ЧЫЛДЕМЫР	Шернур район
29	Н.Арбан КЕНЕЖ ЙЎД	Летняя ночь
19:00	Музыкальный комедий	12+
июнь	9 У ТОРЬЯЛ	
5	А.Яковлев, С.Тимошенко КАВАСЕ АЛАША	Небесный тихоход
19:30	Музыкальный комедий	12+
июнь	9 КАРАЙ	Волжск район
12	А.Яковлев, С.Тимошенко КАВАСЕ АЛАША	Небесный тихоход
19:30	Музыкальный комедий	12+
июнь	9 УНЧО	Морко район
26	А.Яковлев, С.Тимошенко КАВАСЕ АЛАША	Небесный тихоход
19:30	Музыкальный комедий	12+



Реклама.



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1500 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печать да калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькше урем, 20-шо порт. Тел. 8(8362) 45-22-82.

Газетым редакцийыште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Печатьыш пумы жап – 14-00, фактически – 13-00.

Авторын да редакцийын шонымашышт тўрлў лийын кертят. Серыш-влак мўнггеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыште регистрироватлыме. Номер – ПИ № ТУ52-01404, 2023 ий 22 сентябрьыште пумы.




У конкурс



Ксения ден Камелия СТЕПАНОВАМЫТ.
Параньга, Олор.

Мыйын эн сай йолташем – Ксения, йыгыр пелашем. Тудо весела, поро чонан марий ўдыр. Школышто тыршен тунемеш, түрлө мероприятийыште мастарлыкшым ончыкта. Классыште чылалан полшаш ямде. Мый туддене кугешнем.
Камелия СТЕПАНОВА.


Келшыме ужашым чиялтыза.



Ужавалан могай пеледыш келша, палыза.



Шотлыза.



Мария РОМАНОВА ден Ульяна МАТВЕЕВА.
Морко, Коркатово.



Артем ВАСИЛЬЕВ ден Сама МАРКОВ.
Звенигово, Чакмарий.

Сүретым ончен, точко-влакым ушыза да чиялтыза.

